



KOMORA MEDICINSKIH SESTARA - TEHNIČARA KANTONA SARAJEVO

Broj: 410/20
Sarajevo, 21.11.2020. god.

MEDIJSKIM KUĆAMA U BIH

PREDMET: OBRAĆANJE JAVNOSTI

Poštovani,

U skladu sa trenutnom epidemiološkom situacijom sa COVID 19 u Kantonu Sarajevo, oglašavamo se u nadi da će građanstvo i donosioci političkih odluka od važnosti za zdravstvo shvatiti našu poruku:

„Ovo je rat sa nevidljivim neprijateljem koji na žalost, značajno ugrožava cjelokupno zdravlje ljudi i sa sobom kao posljedicu bolesti donosi brojne žrtve.“

Nevidljivi dio zdravstvenog sistema koji skrbi za cjelokupno zdravlje stanovništva u zajednici, koje svakodnevno ulaže velike napore pružajući zdravstvenu njegu svim bolesnicima u bolnicama, su medicinske sestre-tehničari. To je vojska na prvoj liniji zdravstvenih ustanova koja broji **2700** ? medicinskih sestara-tehničara većinom ženskog spola, koja koristeći veliko znanje, vještine, snalažljivost i entuzijizam, neumorno pruža pomoć, podršku i zdravstvenu njegu svim pacijentima, posebno pacijentima u novonastaloj epidemiološkoj situaciji.

Želimo istaći, da zdravstveni sistem neće nikada zakazati zbog uskraćivanja zdravstvene njege (sestrinske pomoći i podrške), svim pacijentima kojima je potrebna, bilo da su hronični bolesnici ili akutno zaraženi od COVID 19, budući da su medicinske sestre-tehničari to dokazali u svim dosadašnjim vanrednim situacijama.

Međutim, želimo apelovati na širu društvenu zajednicu da uloži sve napore u poštivanju protivepidemijskih mjera zaštite, da razumije i cijeni veliki trud, fizičko i psihičko opterećenje koje medicinske sestre-tehničari imaju svakodnevno u svom radu.

Napominjemo, da je broj medicinskih sestara-tehničara u zdravstvenim organizacijama uvijek bio nedostatan, bez obzira na njihove opravdane potrebe i značaj. Ovaj problem prisutan je godinama, iako smo kontinuirano podsjećali odgovorne na potrebe i zahtjeve zdravstvenog sistema, na žalost bez konkretnog rješenja. Svemu tome pridonosi nedostatak strateškog plana za razvoj sestrinstva u Kantonu Sarajevu (zapošljavanje novih kadrova prema iskazanim potrebama zdravstvenih organizacija i potrebama u vanrednim situacijama).

U skladu sa navedenim upućujemo apel na donosiocce političkih odluka vezanih za zdravstvo u Kantonu Sarajevo, da učine sve napore da se donesu hitne mjere zapošljavanja novih medicinskih sestara-tehničara u zdravstvene organizacije, obzirom na trenutnu epidemiološku situaciju i stanje u zdravstvu.

Ističemo da su medicinske sestre-tehničari zdravstveni profesionalci različitih nivoa obrazovanja, koje rješavaju 70% zdravstvenih zadataka u svojoj praksi, posebno složenih specijalističkih zadataka u kliničkoj praksi za koje nisu adekvatno vrednovani u sistemu zdravstvene zaštite. Stoga zahtjevamo da se što prije vrednuje njihov rad skladno stečenom obrazovanju i kompetencijama koje se itekako koriste u svakodnevним radnim procesima.

S iskrenim uvažavanjem,

Predsjednica Upravnog odbora:
Mr.oec. Zineta Mulaosmanović, DMS

Predsjednik Komore:
Doc.dr.sci.zdravs. Hadžan Konjo, DMT

